



Broj: T18 0 KT 0018535 25

Brčko, 13.01.2026. godine

Optužnica potvrđena dana 14.01.2026. godine

Na osnovu člana 35 stav (2) tačka h) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. T., , rođen 1968. godine u Tuzli

Što je:

Dana 04.05.2025. godine, oko 12,15 sati, na magistralnom putu M-14/1, u mjestu Brezovo Polje, Brčko distrikt BiH, upravljajući putničkim motornim vozilom marke „Nissan Note“, registarskih oznaka J67-M-523, krećući se iz pravca Brčkog u pravcu Bijeljine, svjestan da takvom vožnjom postupa suprotno propisima u saobraćaju i da takvom vožnjom ugrožava javni saobraćaj i dovodi u opasnost život ljudi i imovinu većeg obima, olako držeći da do saobraćajne nezgode neće doći, otpočeo radnju skretanja ulijevo, na lokalni put za Selo Brezovo Polje, te suprotno odredbi člana 49 stav (2) Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ broj 6/06, 75/06, 44/07, 84/09, 48/10 i 18/13), nije propustio putničko motorno vozilo marke „Audi A3“, registarskih oznaka O38-M-855, kojim je upravljala S. S., koja je dolazila sa njegove lijeve strane, krećući se iz pravca Bijeljine u pravcu Brčkog i koja je zadržavala pravac svog kretanja, iako je bio dužan da propusti vozilo koje, dolazeći iz suprotnog smjera, na raskrsnici zadržava pravac svog kretanja, osim ako postavljenim saobraćajnim znakom nije drugačije određeno, pa je usljed toga došlo do kontakta čeonu desne strane vozila „Audi A3“ i zadnje desne bočne strane vozila „Nissan Note“, kojom prilikom je suvozač u vozilu „Audi A3“ L. S. zadobila tešku tjelesnu povredu u vidu multifragmentarnog preloma donjeg okrajka lijeve nadlaktične kosti u nivou zgloba lakta, te više lakih tjelesnih povreda u vidu udarca u glavu i laceracije kože pogravine sa lijeve strane, krvnog podliva oko lijevog oka i usta i udarca u desnu šaku, krvnog podliva i laceracije II prsta desne šake,

dakle, kao učesnik u saobraćaju na putevima, nije se pridržavao saobraćajnih propisa i time tako ugrozio javni saobraćaj da je doveo u opasnost život ljudi, zbog čega je kod drugog nastupila teška tjelesna povreda,

čime je učinio krivično djelo – Ugrožavanje javnog saobraćaja – iz člana 326 stav (3) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica****
